



Minggu, 28 Januari 2024
Ogen : Lukas 17:11-19



Kekeken, To Mulihken!



Tanggal 28 Januari, iperingeti jadi wari kusta (gadamen) se doni. Wari enda jadi respon guna ncidahkan kekelengen dingan ngangkatken derajat kekelengenta si terkena pinakit gadamen. Mekatep erkiteken pinakit enda maun lit pengejapen lanai seri ras kalak sideban (rendah diri). Ipeserap erkiteken banci menular, janah lit ka pengangkan pinakit enda erkiteken dosa ras sidebanna. Tanggal enda ipilih aktivis kemanusiaan Perancis si tergelar Roul Follereau, ncidahkan kinihamaten man Mahatma Gandhi si enggo melala mereken dirina, pelayanenna man kalak si ngalaken pinakit gadamen. Ogenta nuriken kerna kalak gadamen si erlebuh man Jesus. Mindo perkuah ate Jesus. Jesus ngatakan "to lawes kam cidahkan badanndu man imam." Ranan enda ikataken Jesus sabap i bas paksa si e aturen si lit ngatakan maka imam nge si meriksa dingan nentuen sekalak e madan i bas gadamen nari entah lang. Sepuluh kalak gadamen e ngelakoken kai sinisuruh Jesus, janah i tengah perdalanen sekalak (kalak Samaria) mulihken kempak Jesus kenca idahna maka enggo mejelis kulana (enggo madan). Alu sora si megang ipujina Dibata. Meriah ukurna dingan rasa percaya dirina (pengejapenna) si ndube la meherga, la banci nembah man Dibata, tapi kenca ia madan, meriah ukurna isembahna Dibata e. Petembil ras kalak si siwah la mulihken dingan la ngatakan bujur man Jesus aminna pe enggo madan. Nina Jesus man kalak Samaria e "kekeken to mulihken, kinitekenndu erbahanca kam madan." Ipetetap Jesus ukurna, segelah paguh dingan erkiniten man Dibata.

i bas wari enda banci jadi lit kekelengenta si ngalaken pinakit si bagenda rupana, iajuk kita guna mereken semangat ngulihken pengejapen maka ia kalak si meherga dingan banci madan.

✎ *"Jadilah kalak si mpekeke semangat ngeluh kalak sideban"*

